

見素集  
四



又見凡關口外為民邊遠充軍罪囚或逃而不歸  
去而即逃徒名治奸無益事實乞

勅法司計議除情重外如扛幫誣告強盜人命不實誣告  
十人以上因事忿爭執操兇器誤傷傍人勢豪不納  
錢糧原情稍輕不係巨惡參審得過之家願納穀一  
千石或七八百石容其自贖免擬發遣其誣  
告負累平人致死律雖不摘情實猶重并窩藏強盜  
資引逃走抗拒官府赤服拘捕本罪之外量其家道

勸谷自五百石至一石以警刁豪俱由撫巡參詳  
無容司屬專濫臣仍與巡按督併二司專責守令於  
因犯紙米并應追贓罰工價逐旋存積務取數足為  
期不容分外科罰如縣一十里則積一萬石二十里  
則積二萬石糶本精遠該縣行檢富戶量力領買上  
上六百石次四百石次三百石次二百石不許市  
民公役冒領侵費專取受名曰常平如秋成穀賤  
六石糶入春夏谷貴五石四斗糶出秋成五石糶入

春夏四石五斗糶出每石明扣一斗以脩折耗存積  
俱令社長社正開報貧民每丁止買二錢以杜魚利  
前項銀兩當令前該富戶給領秋成照價糶入穀貴  
依前糶出循環如常若穀賤年分不必發糶仍別查  
弘治十四年<sup>十</sup>五十六三年放過飢民稻穀量迨一半  
如借一石者迨五斗另厥收受審實極貧倍加賤糶  
如時一錢四斗則與六斗果甚孤獨無歸委難自糶  
方與賑濟不必迨還若得過冒領問罪之外每谷一

石罰穀十石衛所常平亦依此法衛一萬石所二千  
石為則各該掌印有司考滿參定殿最軍職管事酌  
取去留所貴上下相資人法並任同心遠大之圖用  
復常平之政臣再勸社民各立義倉與義學義塚例  
置名曰阜俗三義盡一義者書一義之門二義三義  
稱是義倉之畧社中富民任其出穀六百石或四百  
石別處一倉極貧利一分次貧利二分春借秋還轉  
相賙助民樂表異似亦有從若常平既復社倉又行

則饑饉有備而地方可保無虞此預備至計予民至  
急而江西今日尤為急者伏惟

留意臣不勝大願緣係備糶本以復常平事理謹題  
請

知

均平稅糧益鈔疏

題為修政本以弭大盜事據江西布政司呈准本司左  
布政使等官林泮等咨抄奉巡視案驗照得弔查坐

泐糧冊頗屬均平但地險遠者利輕齊地近便者利  
本色尚踈適事之宜私其民者曲申請私其鄉者妄  
奏豁未杜捏言之惑折色改通泐尚庇專利之家五斗  
撥存留顧長酒糧之弊歲用不足須別通融歲納愆  
期須申則限况免淮南祿存折名項數多鄉民難於  
備曉糧里易得藏奸又戶口食鹽錢鈔起解有定額  
徵收無定丁尤便縮伸影射之謀欲燭幽微須立簡  
易看得左布政使林泮管糧左參議黃皞慎密老成

合委編派仰抄行各官即將所屬稅糧從公定派何處便本色何處便輕齎何處無害重難何處須加輕省寓足用之法定納徵之期除官米照舊折色外民米不拘官戶民戶米多米寡通行扣筭起運項下免軍南淮折銀折布存留項下

親王邸王祿米軍衛有司學校俸糧俱以一石為率細扣某項正耗各該銀米各若干會總若干每石總扣各該銀米各若干止作二項填寫由帖使人戶據總



而由糧里分類而納應自運者仍自運應慮糧里者仍  
糧里俯從民便仰給公輸食鹽錢鈔除老幼殘疾免  
徵外實在丁口逃的當府官或風力知縣通查某縣  
某圖某戶丁口若干通該若干寫定花名數目將該  
縣額解錢鈔通扣該用若干丁口可足若有餘剩孤  
貧及下下戶量恤省免毋容市民大戶用幸造定徵  
冊照丁催徵五年一次改造寓消耗於省口隸歸一  
於限年底官存原額民感寬征補物料之重以紓民

力之困其徵收解戶將見年里長丁糧最上之家開  
具大縣八名中縣六名小縣四名各註畧節行檢申  
布政司於內點僉大縣四名中縣三名小縣二名候  
下年管收不許勢豪私囑公役陰圖市民幸保完日  
通解布政司類解中間若有未盡宜從徑自參處使  
一弊不留官民兩便等因脩抄移咨到職案查節准  
奉司咨奉巡視案驗批呈俱為坐派稅糧等事已經  
遵奉查派造成草冊繳報今准前因會同將南昌等

一十三府南昌等六十九縣稅糧除官米照舊徵收  
折銀外其餘民米不分官戶民戶糧多糧少俱照各  
色則例一體均派若縣分富庶及舟楫可通量撥重  
難縣分貧難及舟楫不通量加輕省其銀米如耗及  
車船雇脚盤剝搬運等用廣咨詳處條析類合逐一  
扣編由帖具式行註俵散使人戶據是而出糧里據  
是而徵官司據是而考其欠納過徵之弊其各縣戶  
口食鹽錢鈔徵收事則亦就各該稅糧冊後脩開明

白令其遵照今將弘治十六年并弘治十七年以後  
年分泐徵稅糧文冊造完咨緘等因脩咨轉呈到臣  
案照前事該臣巡視江西節該欽奉

敕江西盜賊之起委由賦役不均官司坐泐稅糧等項往  
往往徇情畏勢陰佑巨室貽累小民以致窮困無聊相率  
為盜爾須悉心訪察痛革弊端務在平徭均賦以甦小  
民困苦欽此欽遵已經行委各官會查編泐均徭去後  
今據前因會同巡按御史姜實議得立法敕弊莫貴

乎始之詳詳則節目易見又莫貴乎終之簡簡則網

領易知今各官林泮黃皞會處前項稅糧鹽鈔本折

例泮既以杜飛洒之奸存起地方又以遭險夷之便

以正數無耗費以一石例升斗總收類納條理可尋

上賦下供毫粒無爽而由帖分散家喻戶曉糧一石

者即知該納米幾斗銀幾錢糧一斗者即知該納米

幾升銀幾分出過其數則為糧里多徵不及其數則

為人戶欠納存留無泮本折積歲餘以補歲用之缺

子粒先儘衛所核歲實以杜歲納之虧至於鹽鈔扣  
足額則虛冒莫售其奸丁口審量免則困窮重蒙其  
惠教具成冊用革濫徵解選良民潛消侵囑他如起  
運輸納之則里運自納之便因事立則摘隱發幽若  
刻實寬若繁實簡誠為官民兩便其周防剝抉不過  
奸汗官吏粮里私蠹而已持而循之人戶所省一年  
約銀五六十萬但壞於貪冗則盡廢毀於異同則中  
更又非今日所能預料合無准照編定均徭里甲事

則行布政司將前冊騰發南昌府支給官錢雇募翻  
刊印刷送司鈐記每府縣掌印管糧各發一本仍令  
各府自備紙劄將凡例并該屬縣分稅糧鹽鈔則例  
印刷回府鈐記發各糧長一本俱相承收照其人戶  
願自印者聽從其便使則例廣傳上下通曉而宿弊  
一清其弘治十六年稅糧坐派已遲合暫行屬依派  
其弘治十七年以後俱候奏

請定奪再照江西左布政使林泮清而苦勞而謙晦密慎

勤超絕倫類左叅議黃皞謹實明亮克稱才猷其編  
派稅糧鹽鈔可謂竭盡心思而推筭筆削之勞皞尤  
任之故臣得藉手塞責伏望

聖明特

敕該部詳議具覆乞

賜裁處頒下遵行使小民均惠而臣等任怨亦為不孤若  
行之年夕又有應正事宜務經撫巡議

奏以杜吏奸林泮黃皞量加旌擢以勵官能緣係巡視



節該奉

欽依務在平徭均賦以甦小民困苦及脩政本以弭大盜  
并勵官能事理未敢擅便除行江西布政司備造

奏啟文冊徑自奏繳青冊呈送戶部查照及將平徭後  
另本具

題外為此會本謹題請

旨

均平丁糧徭役疏

題為脩政本以弭大盜事據江西布政司呈准本司右  
布政使柳應辰咨准本司咨奉巡視案驗據本職并  
江西察察司副使沈銳呈送定處過均徭里甲草冊  
到院看得凡例簡嚴條議周悉但編派均徭丁糧處  
置里甲銀兩雖云濫設加汰而省若未多缺額盡填  
而徵猶過重民難慮始法在圖終欲垂永久更在精  
詳仰抄案回司即行原委官員將發去草冊再行查  
議改過各項總數條件再行查筭編補均徭銀兩再

行酌處廩給庫子方兵名數先賢忠臣等祭祀查明  
增損其餘可革可因從宜審處作急完報等因備咨  
到職案照前事咨奉巡視案驗行據南昌等一十三  
府掌印知府等官祝瀚各親齎查過縣屬丁糧里甲  
均徭揭帖前來查審差有銀力而均徭混編里有大  
小而煎銷槩出田不論等利倍而同科戶不論則富  
懸而例派况大縣四五百里小縣五六七里大者差  
逸增而猶輕小者差逸減而猶重不差五斗以優下

戶顧起洒糧之奸第免雜差以優仕籍顧藏寄籍之  
託必欲一清宿弊須在深計熟籌除量加去取省令  
各官執帖前來外看得布政司右布政使柳應辰接  
察司副使沈銳精練老成擬合選委仰各抄案回司  
即行各官別擇寬靜去處令祝瀚等會聚交謀同仁  
均視合各縣以通融盡一方之繫矩所損所益務當  
務均議定回府各官逐旋會查某府某縣歲派里甲  
原額若干不論里大小家貧富止憑丁糧定派人一

丁若干糧一石若干使如原額扣定額泐弓箭弦條  
并祭祀鄉飲孤老等留縣支用其餘盡數解府類解  
布政司編附流水號簿將歲泐黃白蠟皮張等項一  
應物料并戶禮工三部近年加泐通約可勾若干尚  
欠若干應於均徭編補又將某縣歲編均徭解戶柴  
薪皂隸弓兵巡攔斗級門子庫子館夫馬夫渡夫防  
夫鋪司鋪兵等項銀力各幾差力差折估與銀差通  
該若干又將進

表須知科貢盤纏牌坊勻泐通該若干一縣一府一省分  
計總計並補物料共該若干方將各府丁糧除事例  
應免之外糧不分升合并假託寄莊俱田分三等高  
者重出低者輕出丁無論事產并同籍異門俱丁分  
九則上上重差下下免差又如九江南康等小府星  
子瑞金等小縣力差尚難銀差應為別泐吉安饒州  
等大府豐城鄱陽等大縣銀差尚輕物料應令編補  
撫糧輕而田濶泐多不過袁糧重而田狹泐寡非偏

府縣正佐柴薪馬夫別派以別官嫌司屬大小力差  
近編以從民便搏量三年五年一編之處默符十年  
一編之差先以凡例次以額數又次以編審徵解存  
留編補使鑿鑿可考永遠可行務盡逐年之丁糧僅  
勾逐年之差使毋編餘剩以便侵渙此外別有相應  
宜從徑自增損等因偕咨到職已經會同於永寧寺  
寬靜處所督同知府祝瀚等查議均當就令回府各  
職仍于本寺逐一遵照案驗事理將均徭丁糧通融

編泐里甲銀兩酌量查處類造草冊繳報去後今准  
前因催據南昌等府將各驛廩給庫子巡司弓兵等  
項可增可減名數并先賢忠臣等祠祭祀名項各開  
報前來會同按察司副使沈銳再將發回草冊逐一  
查議除遵照改定編處外其濫設重徵未盡汰者汰  
之未盡減者減之并他可增可損可因可革逐一酌  
處惟求省費兼取便民今將定處事宜類分條例其  
類有五一曰編泐查處凡例計五十條條條載沿革



及查處編立草弊則例二曰編泐均徭條格計

條條載差役總類款目及編泐優免則例三曰編泐

均徭定額計六十九縣總為一條各分其目條載差

役名項及丁糧泐銀編差編補料價定數四曰查處

里甲銀數計

條條載各縣額泐弓箭弦條祭

祀鄉飲孤貧布疋有無勾欠及酌泐足用定數五曰

預計坐泐料價計

條總查均徭里甲泐撥編

補以條坐泐物料定數夫條格所以揭定額之綱定

額所以著條格之目查處所以立預計之體預計所  
以實查處之用條格定額皆為均徭而設查處預計  
皆為里甲而設比例則總括四類而領袖貫通其間  
者也均徭里甲立則大要如此若奉行得人則徭役  
不累偏差里甲不互受重派乞為詳擇發屬遵行使有  
司守畫一之規小民解用三之困等因造冊咨繳到  
臣案照先為前事該臣巡視江西節該欽奉

勅江西盜賊之起委由賦役不均官司坐派稅糧等項徃

往徇情畏勢陰佑巨室貽害累小民以致窮困無聊相率  
為盜爾須悉心訪察痛革弊端務在平徭均賦以甦小  
民困苦欽此欽遵已經行委各官編派續據呈繳草冊  
前來又經案行再加詳處去後今呈前因會同巡按  
監察御史姜寶議照官有庶役國有常供勢不可缺  
而取必在民然非有以均節之於力必困財必窮而  
人心必失今日江西之盜熾非由此者耶幸逢

聖明量包

天地怒震雷霆醜類草心渠魁授有耄孺蘇息欣際少康  
然悠久之計根本之論則平徭均賦毋復餘矣臣等  
仰宣

德意慎付官能除稅糧鹽鈔別委幹理外而均徭里甲既  
合各府之長復重二司之託惟欲經畫

國計解紓民隱今柳應辰沈銳處編造繳寸量銖較縷  
析毫分盡一年之丁糧定一年之差使參之戶則田  
則定以銀差力差杜飛洒則見糧有差杜餘剩則補

料有數杜妄費則進

表須知科貢盤纏牌坊有定額縣有大小而輕重默符年  
有疎密而勞逸默運格目具而混淆以清額數定而  
名銀可考以縣視縣而一府均以府視府而一省均  
回不涉遠道以虧公亦不專庇貧而抑富一年而論  
差約減二千四百餘差銀約減四萬七千餘兩其量  
除丁糧優免官吏生員等家并貧難極下人戶丁計  
八萬一千餘丁糧計四萬九年餘石則又不在編差

之限而均從比舊輕矣里甲均見年丁糧而出則里  
無大小人得其平按舊額出辦而徵則銀無增損官  
持其要先儘額派軍需物料祭祀餼餼孤貧則存留  
定數易查其餘辦料并均從補料銀兩類解使司流  
水附簿則起解定數易考人民難於拖欠官吏難於  
侵沒物料分類齊解上淨實用事整而不見其勞解  
戶因類總僉下無重擾事約而不涉於濫在官所減  
雖無定數可稽在民所省約以數萬為計則里甲比

舊輕矣至於各項罷行之法槩可揭查通融殫乎心力因革契乎事宜詳而可見簡而易知其澄弊大致在杜絕官吏恣濫僉存餘剩多徵盜費而已但任法不知任人固難保奉行之皆至如阜隸馬夫自私者或不利於調派牌坊盤費要譽者或輒擬於加增則法必更而民必加病至他異同亦非今日所能逆觀者也合行布政司將前冊謄發南昌府支給官錢雇募翻刊印刷送司鈐記分送鎮巡按察司并守巡各

道及分發府縣各一本相承存照各府自脩紙劄將  
凡例并該屬縣差額等項印回鈐記逐年轉發編審  
均從里甲官員查照人民願自印者聽從其便使則  
例廣傳上下通曉宿弊一清其弘治十七年均從里  
甲編派已達合暫行屬依派其弘治十八年以後俱  
候奏

請明文定奪再照江西布政司右布政使柳應辰廉慎公  
勤政事精練按察司副使沈銳謹密沈敏刑名深歷



其編派均徭里甲可謂細入毫毛而比類分條之勤  
應辰尤任之故臣得以因人成事伏望

特勅該部詳議具覆凡定過一應差徭調解補料不許一  
役濫僉一事改派一丁一令餘剩一兩加添其盤纏  
牌坊名目兩數之外牌坊除官府壯觀損壞修理外  
其餘俱係一時作興不許再作人情修理違者官作  
不謹罷免受者坐贓治罪庶政例嚴一風清弊絕而  
國為民任怨亦為不孤其柳應辰沈銳伏乞量加旌擢

以勵官能緣係巡視節該奉

欽依務在平徭均賦以甦小民困苦及修政本以弭大盜

并勵能事理未敢擅便除行江西布政司脩造

奏啓文冊徑自奏繳冊呈送送戶部查照及將均糧賦

一事另本具

題外為此會本謹題請

旨

守制乞免閏勘合疏

奏為乞

恩守制等事 臣罪讎盈積禍延 臣母今年七月二十八日  
在家病故八月十五日訃聞 五內分崩攀號慟絕 臣  
出二年乞歸 五疏亦預 虔在此也 今 臣母不可作矣  
臣父今年七十有四 久患風疾 重罹哀感 事切可虞  
臣質弱服勞 遭此凶變 疾疢轉亟 血氣乾枯 手足風  
痺 神魂散失 要亦旦夕間人 即欲匍匐就道 闕領勤  
合緣 已不能動止 誠恐客死於外 臣既誤 臣母不無

又誤臣父雖切報

國之心將亦與身俱滅伏望

聖恩矜憫乞

勅該部查臣前後奏疏容臣住闕勘合回還守制兼侍父

湯藥臣倘前病不痊服蒲容臣致仕臣死生不勝感

戴

天恩之至謹具奏

聞弘治十六年十一月二十一日少師兼太子太師吏部

題奉

聖旨林俊着照例守制欽此

回話疏

奏為乞

恩認罪回話事臣准刑部咨備該部題為欺慢

朝廷失誤

慶賀事諛

寧王奏弘治十六年七月初三日恭遇

萬壽聖節

慶賀官員數少點得指揮等官吳漢等三十六員生者  
吏典張璽等五百一十七名不到奏提問及參臣  
不應先於本年六月二十七日出巡乞降

勅戒諭等因奏行該部擬查臣果有無故迂避情由徑自  
奏

請具題節該奉

聖旨王所奏林俊事情着他從實回將話來欽此欽遵備

咨到臣

天威下臨魂魄飛散方裂肝而灑血尤叫

天以望憐踈妄罪浮輸情敢隱臣聞各省凡遇

慶賀惟三司掌印官會城行禮鎮巡守巡公差等官隨

在行禮非不欲俱集省城或事勢不可緩或地方不

可離往返旬月為誤非細又別省巡撫或可安坐遙

制江西適當多事臣節該奉

勅江西賊情重大爾至彼設法撫捕務令盡絕江西各府

地方盜賊成群肆行劫掠毒害善良近來尤甚特命爾  
巡撫各該府縣特常往來巡視欽此欽遵臣感激思奮  
為

國分憂期盡歷即縣盡掃兇賊以紓民急以仰答

上恩瑞州最急則巡瑞州撫州次急又巡撫州取道建昌

益王殿下發進賢過南康九江飢民搶谷報至遂由饒  
州趨南康九江順巡南昌屬縣又巡瑞州聞饒州搶



谷又起撫州賊又作臣又趨饒州道省城欽奉

敕勅事督催守巡先赴又督府所掌印巡捕立限緝拏又

委知府指揮協撫會捕臣留督拏奉新越獄南昌豐

城建昌劫財殺谷人等強盜條災異預脩等章奏均從

里甲稅糧鹽鈔等事宜屯田等案驗發粟以賑民飢

賤糶以平米價接審訟獄舉行社約禁導風俗政務

甫隙即同清理屯田給事中湯禮敬監察御史張津

員外郎趙履祥俱于本年六月二十七日出巡臣在

撫州行慶

賀禮又由建昌朝

益王殿下盡歷屬縣又踏勘長寧縣治又由饒州巡浮

梁忘寢食觸虎豹犯風濤假晝夜之驅馳易日力以

理事甫八閱月巡八郡三十七縣賊多之地或再至

或三至或住七八日或十餘日險僻山縣自來不見

巡撫守巡罕至臣皆親蒞吳城毛竹山弘山等處賊

巢臣憑仗

皇靈單車深入宣示

威德或草宿荒舍或五鼓抵城積苦服勞髮資髮晝猶以  
不能安地方副

陛下任使為懼臣豈容頃刻圖安即粗迹之瘁勤驗素懷  
之忠爰恭遇

聖節寔切懽欣齊三祝於嵩呼稱九如於

天保臣豈敢無故迂避又隨在行禮故事具存湯禮敬等

三人是日同出似亦有據但

寧殿下素負賢名好古下士臣未至江西荷蒙

吹譽既至荷蒙

優待加常臣感激受

知亟圖受助而自安率直竟涉猜嫌猶蒙寬假僅

請戒諭

陛下憐臣蠅蟻未即行誅容臣自實臣悔罪服辜實告

死不勝戰慄怖恐之至緣係乞

恩認罪及節該奉

欽依從實回將話來事理謹具奏

聞

申明處置地方疏

奏為申明處置地方事臣聞地有遠近故治有詳畧以天下言中國近而外夷遠也故治詳中國而畧外夷以一方言內地近而邊域遠也故治詳內地而畧邊域蓋詳可以制畧而畧斷不可以制詳治之勢亦治之體也江西原無專設巡撫後因南贛二府與湖廣

福建廣東三邊相連流賊構患議設都御史贛州居  
住控制三邊其職專在督捕盜賊填安疆陲非若巡  
撫軍衛有司鍛穀兵馬刑名徭役學校農桑吏奸民  
隱皆其職也前于此江西之沿革韓雍閔珪均有可  
觀則巡撫之驗也後乎此贛州之處分金澤亦有可  
觀則提督之驗也其後金澤改江西巡撫仍督三邊  
便見踈越韓邦問繼之又見踈越積忤召尤竟為言  
者所劾此畧不可制詳之明鑒也三邊流賊出沒無

時劫縣攻城乃其常態既控三邊勢不得住于贛  
隔江西千石餘里聲息往返動經半月臆度遙處豈  
能符中事會顧彼失此勢難兩兼更欲旁州僻邑歲  
時週歷宣

上思汰官弊親問民所疾苦又甚難者臣觀湖廣之鄖陽  
控河陝諸邊故湖廣之巡撫鄖陽之撫治毋害並置  
而山陝之榆林寧夏大同宣府各有巡撫提督均是  
意也以臣愚見都御史不預巡撫專令提督三邊贛

州居住江西歲差南京侍郎或都御史一員更代巡  
視務在遍歷宣示

恩德察覽風俗黜興革利弊事妥奏停使詳畧相宜各便行  
事如蒙

准題乞

勅該部覆議可否奏取

聖裁緣係陳言處置地方事理謹具奏

聞



辭免再起江西巡撫疏

都察院右僉都御史臣林俊謹

奏為乞

恩辭職致仕事臣准公移荷蒙

聖恩陞都察院右副都御史巡撫江西及臣前疏辭免行

取乞

容致仕又下蒙

允者自

天有命無地措躬伏念臣起自諸生誤承

驅使清階數轉感

恩遇之已踰小力重煩念負衰之獨早自為按察使即已

嬰心骸骨委分林泉矣幸際

聖明垂仁棄物我

孝宗屢有起廢之命我

皇上又有收召之恩今又有此遷除無趣視事臣非木石

豈不深加感激而思效涓埃哉緣臣始末本懷屢亦

具見辭疏 臣父近尤老耗 臣近尤衰頽風濕轉深疾  
瘡間作視昏聽重體弱神疲在情事既如彼在精力  
又如此加以江西地方即今多事尤非病廢可支徒  
深假退求進之嫌無功循名責實之望 臣揣微分難  
冒顯融如蒙伏望

聖慈俯察哀懇追回右副都御史

成命容 臣舊職致仕以養 臣父終餘年

特勅吏部別推賢能奏亮巡撫 臣無任感激求憐之至具

奉該通政使司官奏奉

聖旨林俊屢引疾乞休情詞懇切准致仕吏部知道欽此